



Inatsisartuni ilaasortaq Anna Wangenheim, Demokraatit

20-08-2021
Sags nr. 2021 - 14834
Akt. id. 17664075

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Illersuisut allattoqarfii pillugit § 37-mut tunngasutut apequt nr. 110-2021-mut akissut

Asasara Anna Wangenheim

Inatsisartut suleriaasissaanni § 37 najoqqutaralugu utoqqaat illersuisuanut tunngasunik Naalakkersuisunut apeqquilliisimavutit. Apeqqutit uannit akisassanngorlugit innersuutaapput. Ataani apeqqutit uteqqinneqarput, malitsigisarlugit akissuteqaatit.

1. Utoqqaat oqaaseqartartuata namminerisaanik allattoqarfeqarnissaanik siunnersuutip tusarniaassutigineqarneranut suna pissutigineqarpa?

Akissut:

Inatsisissatut siunnersuummut oqaaseqaatini nalinginnarni nalunaarneqartutut inatsisissatut siunnersuummut tunngavissiissut tassaavoq: "Suliassaqarfiit agguataarnerat nutaaq, aammalu Utoqqaat illersuisuata kiffaanngissuseqarfiata nukittorsarnissaa pillugu kissaateqarneq tunngavigalugit Utoqqaat illersuisuat pillugu Inatsisartut inatsisaanni Utoqqaat illersuisuata allattoqarfianut tunngasutut aalajangersakkat allanngortinnissaat pillugu siunnersuut saqqummiunneqarpoq."

2. Suna peqqutaava, Naalakkersuisut oqaaseqartartut katersorlugit inimi ataatsimi kattussamik allattoqarfeqarnissaanik suliniutip unitsinneqarneranut?

Akissut:

Inuit pisinnaatitaaffiik kattuffimmik illersuisartut allattoqarfissaannik katersuilluni ilutsimik suliaqaaqqinnissamat Naalakkersuisut suli isummersimangillat.

3. Pisortat allaffeqarfiata annertusineranut aningaasartuuteqarnerulerneq Naalakkersuisut sunik iluaqtaassangatippaat, tassami taamaattoqassamat Utoqqaat oqaaseqartartua namminerisaminik allattoqarfittaarnissaanut siunnersuut piviusunngussappat?



Akissut:

Utoqqaat illersuisuata kiffaangissusaanik nukittorsaanissaq qularnaarniarlugu Utoqqaat illersuisuannut namminersuutigisatut allattoqarfimmu ilassutitut aningaasartuutit naammaginaruutut Naalakkersuisut nalilersuutigaat.

4. Naalakkersuisut oqaaseqartartunik inuillu pisinnaatitaaffiik kattuffinnik oqaloqateqarnissaminnik pilersaaruteqarpat, suliffeqarfiit/kattuffiit ataatsimoorussamik allaffeqalernissaannut ataatsimoorussamillu allattoqarfeqalernissaannut suut pitsaaqutaanersut ajoqutaanersulluunniit paasiniarlugu?

Akissut:

Apeqquut 2-mi akissut innersuutigineqarpoq.

5. Naalakkersuit oqaluserisamut allanik soqutiginaatilinnik paasissutissiisinnaappat?

Akissut:

Pisinnaatitaaffiit isumaqatigiissutaasullu atuutereersut ataqqillugit inuiaqatigiit, tamaanilu sullissisarfiit demokraatiskimik naleqartitat tunngavigalugit ineriartortinneqassasut naalakkersuisooqatigiinnissamik isumaqatigiissummi nalunaarsimavoq. Taamaalillutik nammineq allattoqarfimmik pilersitsinikkut Utoqqaat illersuisuata kiffaangissuseqarnerminik nukittorsaaviginissaa Naalakkersuisut sulissutigaat.

Inussiarnersumik inuulluaqqusillunga,

Mimi Karlsen